


經律異相

卷十六

四百四十一

丙六

51102



經律異相卷第十六

梁沙門 寶唱 等譯



丙

聲聞無學第四 僧部第五

未田地龍興猛風不動衣角變火山
為天花一

舍那婆私變雷電器仗為優鉢羅等花

二優婆笈笈多出家降魔三

優婆笈笈多不化犯重人令眷屬滅憍



慢四

優波笈笈多付囑法藏入於涅槃五

優波笈笈多化諸虎子令捨身得道六

羅旬踰乞食不得思惟結解食土入

泥洹七

羅旬踰乞食不得佛許開律以爲五
部八

童子迦葉從尼所產八歲成道九

末闡提降伏惡龍十

摩哂陁化天愛帝須王十一

分那先爲下賤善知方宜遇佛得道十二

摩訶迦葉天時熱現涼風細雨十三

願足羅漢化一餓鬼說其往昔惡口

十四

沙曷降惡龍十五

未田地龍興猛風不能動衣角變火山爲天

花一

未田地羅漢受阿難付囑法藏令往罽賓國
先伏彼龍即入三昧令其國土六種震動龍
不自安至末田地所入慈三昧龍王與風吹
之袈裟角不動復起雷電器仗并捧大山欲
相覆壓即以神力變成天花便聞空中偈言

雪山見厲日

鎔消無有餘

如入慈三昧

峯火成天花

出阿育王
經第七卷

舍那婆私變雷電器仗為優鉢羅等花二

舍那婆私阿羅漢行至摩偷羅國往優婁曼
陁山坐於繩床有兄弟二龍龍王隨從五百眷
屬舍那婆私思惟欲降伏之即以神力震動山

谷二龍王瞋往婆私處起風疾雨雷電器仗
猛火等時婆私入慈三昧能令風雨火等不近
其身變成優鉢羅拘牟頭分陔利花等悉皆
墮地復起雷電及諸器仗亦以神力變為天
花即時空中而說偈曰

暴風疾雨不能為害 雷電器仗 變為天花

譬如雪山 日光所照 悉皆鎔銷 無有遺餘
入慈三昧 火不能燒 器仗毒害 不近其身

於是龍龍王往舍那婆私處白言聖人欲何
所作荅言我欲於此起寺汝當聽我龍荅言
不可得也長老言世尊已說我涅槃後於百
年中大醍醐山最勝之處當起寺名那哆婆

哆龍王復言世尊已說耶長老答言如是龍
王言若世尊說者我當隨意

出育王經等

優婆笈多出家降魔三

舍那婆私於大醍醐山起造寺賣香商主名
曰笈多舍那婆私以方便力教化賣香商主令
其精進時舍那婆私獨入其家笈多問言聖人
何故獨無弟子我樂在家愛五欲樂不欲出家
若我生兒當隨長老乃至笈多生見名阿波笈
多

梁言
正護

至其長大舍那婆私往至笈多所語

言汝先有願若我生兒當與長老今已生見

汝當聽其隨我出家笈多言我今唯有一兒

若第二兒生當與長老乃至第二生名阿那

笈多

護

寶

復從其求如是不與第三優波笈

多亦從其求答言我當作誓令優波笈多治
生若長若退不得出家不長不退乃聽出家
是時魔王令摩偷羅國一切人衆悉買其物
令其得利時優波笈多正自賣香時舍那婆
私長老語言汝心心法云何爲善云何爲惡
答言不知長老又言若心心法與貪瞋癡相
應是名爲惡與不貪不瞋不癡相應是名爲
善是時長老以黑土白土各各爲丸而語之
言若汝黑心起取黑丸若白心起取白丸時優
波笈多即依其言心不生善乃不得一枚白丸
如是漸進取丸二分黑丸一分白丸復更思惟半

黑丸半白丸次第念善遂不起惡取白丸時
摩偷羅國有姪女名婆娑達

梁言天
主與

其有一

婢往優波笈多處買香多得其主問言汝於何
處得此多香將不偷耶婢言有賈客名優波
笈多形色具足言語微妙以法賣物其主聞
已起姪欲心復令其婢至優波笈多處汝當
語彼云我欲與汝共相娛樂優波笈多答言
相見未是其時如是至三猶故不聽時又召
長者子往至其所商主從北天竺來將五百
匹馬及種種物至摩偷羅國至已問摩偷羅
國人此國何處有第一端正女人國人答言有
一女人第一端正名婆娑達多商主言我今

欲以五百銀錢及種種物往至其處是時姪
女貪其物故殺長者子取共身骸置不淨處
與其商主共相娛樂是長者子親善知識於
不淨處覓得身骸往白國王國王語言汝可取
彼婆娑達多截其手脚及以耳鼻散置野外中
即如王教是時優波笈多即便思惟我於本

時不樂見之共受五欲今者欲見觀其手足
及以耳鼻便往觀之爲說偈頌婆娑達多既
聞其言深畏生死聞佛功德及變其意樂於
涅槃即便說偈荅優波笈多優波笈多爲說
四諦更觀其身得厭欲界得阿那含果婆娑
達多得須陀洹果優波笈多去已未久婆娑娑

達多即便命終生於天上時長老舍那婆私
往笈多所語言汝當聽優波笈多隨我出家笈
多荅言我先有誓言令其治生不利不鈍及聽
出家舍那婆私乃以神力令其治生不利不
鈍是時優波笈多即自思惟稱量筭計不利
不鈍舍那婆私更至笈多所而語之言今汝
此兒是佛所記我入涅槃百年後當作佛事汝
當聽其隨我出家笈多即聽舍那婆私將優波
笈多往那哆寺與其出家受具足戒至第四
羯磨除一切結得阿羅漢果是時舍那婆私
語優波笈多言善男子汝佛所記我入涅槃
百年後有比丘名優波笈多當作佛事後當

作佛名曰無相如是說法是時魔王於大衆
中雨於眞珠以亂人心衆人亂故無有一人
能見諦者即自思念知是魔王至第二日倍
多人來魔王雨金又亂衆心第三日中倍多
人來魔王雨珠金及作天樂是時衆人未得離
欲見色聞聲其心變動不復聽法是時魔王
即以花鬘繫優波笈多項及至優波笈多思
惟誰作此事即知是魔王優波笈多即生此意
世尊何故不教化之即自思惟是我所化佛
記於我爲無相佛教化人民今優波笈多取
三死屍一者死虵二者死狗三者死人以神
通力變三死屍以作花鬘往魔王處而繫其

頸尔時魔王往摩醯首羅及帝釋等三十三
天四天王天求爲脫死屍而不得脫復往大
梵天處大梵語言善男子十力弟子神力所
作誰能脫之如大海岸水不能破魔王語言
云何教我我於今者當歸依誰大梵語言汝
今速往皈依優波笈多如人於此地墮即於
是起是時魔王方知佛子神力爲大即便說
偈讚佛自責欲界魔王即捨慢心自說往罪

出阿育王
經第八卷

優波笈多不化犯重人令眷屬滅憍慢四
南天竺國有一人姪他婦恒往他家其母不
聽即害其母往至他國不能辦五欲深生憂

惱即於佛法出家通達三藏成就多聞與諸弟子圍遶共至摩偷羅國那哆婆哆寺優波笈多所時優波笈多見其害母不得道果不相慰問時彼比丘心懷著愧更復遠去笈多弟子未得道者作是思惟和尚少智見老比丘其心闇鈍而爲說法今此比丘聰明智慧善通三藏眷屬隨從不爲說法時優波笈多見弟子意於其起瞋又見其機應爲我和尚舍那婆私教化降伏時舍那婆私住罽賓國復觀優波笈多作何佛事其弟子心生瞋恚又觀此等應受我化即以神力來入是寺鬚髮皆長衣又麁弊五百弟子咸作是言無知老人從何

所來於優波笈多眠處而坐弟子手曳出之
而不能動猶如須弥即欲罵之而聲不出及
至白優波笈多言荅曰除我和尚無有能坐
我床者也優波笈多還寺以最勝恭敬供養
和尚自取小床於師邊坐弟子思惟若此比
丘是和尚師者然其智慧猶不及我和尚時
師舍那婆私見其意舉右臂手出牛乳告優
波笈多云此三昧云何荅曰未識願聞其
名和尚曰名龍頻呻三昧次第復入種種三
昧笈多皆云不識又言我涅槃時此三昧法
一切皆失優波笈多諸弟子聞此言即便思
惟此比丘智慧勝我和上即滅憍慢舍那婆

私教化說法彼諸弟子悉得阿羅漢果

出阿育王

經第九卷

優波笈多付囑法藏入於涅槃五

優波笈多臨入涅槃以法藏付囑最後所度
弟子邠徵柯語言善男子世尊法藏付摩訶
迦葉迦葉付阿難阿難付耒田地耒田地付
和尚和尚付舍那婆私舍那婆私付我我今
涅槃付汝遍告閻浮提十方羅漢一時聚集
凡夫比丘無數即現神通備十八變事已即
入涅槃所化弟子得四道果者皆取籌置石
室中即以籌闍維其身乃至起塔時復有一
千羅漢同入涅槃邠徵柯守護法藏從優波

笈備得四果者二十八人

出阿育王經第十卷

優波笈多化諸虎子令捨身得道六

時有羅漢名優波笈多住摩偷羅國大醍醐山那叻婆叻寺去寺不遠有一虎生子未能覓食飢餓命終優波笈多以慈悲力與虎子食有五百弟子並未得道曰何故乃與難衆生食荅曰爲解脫因故時諸虎子壽命短促將欲近死笈多語虎子言一切行無常一切法無我涅槃寂靜汝於我所當生信心於畜生道應生厭離時諸虎子於笈多所心生信敬即便命終生於摩偷羅國中及至七歲笈多教化令其出家於七年中得羅漢果以

神通力採種種花供養笈多圍遶其側諸未
得道五百弟子白言此諸同學年並尚少云
何已得神通功德笈多荅曰皆是先虎子笈
多說法五百弟子深生慙愧斷除煩惱得阿

羅漢果

出阿育王
經第九卷

羅旬踰乞食不得思惟結解食土般泥洹七

佛在鷄足山時有婆羅門生子令相師視之
師言是子無相當名阿保其父母聞之無相
雖長養之初而不憐矜到年十二足自生活
父母遂令去勿復來還子不敢留遂行乞食
乃到祇洹佛以大慈心念其勤苦即使阿難
呼問之能出家不見即歡喜願為沙門佛即

以手而摩其頭鬚髮即墮袈裟著身佛爲立名
羅旬踰時五部僧每出分衛而羅旬踰所在
之部以空鉢還佛勅比丘分以施之如是非
一目連念言是比丘僧自不得食餘人何故
悉復空還我若共行猶有所得佛知其意便
與舍利弗俱使目連與羅旬踰俱各分爲一
部佛告目連我所在處汝不得往目連即與
羅旬踰俱行適欲所至即便見佛及與舍利
弗而在其門如是經歷過百億國遂不得食
目連念言我於今日定不得食羅旬踰時甚
大飢極止恒水邊目捷連還即到於佛所佛
時鉢中尚有餘食即與目捷連念言我今飢

甚欲吞須弥尚謂不飽但此少飯何足可食
佛告目連且食此飯勿憂不足目連即飯既
已飽鉢中不減唯舍利弗即念羅旬踰今未
得食當大飢苦便白佛言願乞餘飯與羅旬
踰佛即告言我不惜飯但羅旬踰宿行果報
不應得食若謂不然汝便可與舍利弗便以
飯與之羅旬踰得即欲受飯鉢便下入地百
丈舍利弗以道力手尋鉢即得以還羅旬踰
適欲食之便誤覆鉢倒去飯食皆散水中羅
旬踰還坐定意自思念言我每與諸比丘俱
行輒無所得空鉢而還舍利弗今以佛餘飯與
我輒復覆去皆我罪報應當所受便自思惟結

解垢除得羅漢道即便食土而般泥洹欲知
羅旬踰者惟衛佛時身為凡人常懷慳貪不
肯布施時當欲飯脫衣布地恐飯粒落有沙門
過從其分衛羅旬踰見謂之言當何以相與
便以手捧土與沙門沙門即呪願言是汝
愚癡故耳當使汝早得度脫由來久遠
展轉生死乃至於今所在之處輒不得
食於今得道食土泥洹時羅旬踰與土
沙門舍利弗是罪福果報今雖得道故受
宿殃世人愚癡謂行惡無罪羅旬踰是其

證也

出羅旬
踰經

羅旬踰乞食難得佛為分律以為五部八

佛在時衆僧被服唯著純真死人雜衣弊帛
自後起比丘羅旬踰每行分衛輒飢空還佛
知其宿行使衆僧分律爲五部服色亦五種
令其曰隨一部中行遂制儀則各舉所長名
其服色薩和多部博通敏達導以法化應著
皂袈裟迦葉維部精勤勇快攝護衆生應著
木蘭袈裟彌沙塞部禪思入微究暢幽玄應
著青袈裟摩訶僧祇部勤學衆經敷說義理
應著黃袈裟自尔已後便大得食何以故是
羅旬踰前世無德之所致也阿難問佛言羅
旬踰前世無德云何得作沙門佛言此羅旬
踰宿世爲賢者子作人嫉妬見沙門來分衛

輒逆門戶言大人不在沙門復至餘家復
牽餘家門戶開之亦言大人不在故今分
衛不能得通適見他人布施飲食歡喜行
會便復念言我亦欲作沙門故今窮困如

此

出遺教三
昧經下卷

童子迦葉從尼所產八歲成道九

佛住舍衛城時此城中有二姊妹妊身未產
出家爲道諸比丘尼見其腹相即便驅出以
是因緣往白世尊世尊報言在家妊身可得
無罪此比丘尼後生男兒字童子迦葉至年
八歲出家爲道成阿羅漢共十六群比丘各
持澡罐到阿耨羅河邊澡洗入水仰覆浮戲

渡河拍水沐浴。爾時波斯匿王在重樓上四望觀看。王未信佛法。見是事已。倍生不信。即語末利夫人言。汝家所事福田大士。深信無疑。何不顧看。即荅王言。或是年少出家。始受具足。未知戒律。世尊未制。此戒是故。爾耳童子迦葉。以其天耳聞王語聲。即語諸伴。王倍不信。末利夫人心生不悅。今當令彼發歡喜心。皆言善哉。各捉澡瓊盛中水。以著於前。結跏趺坐。次第行列。陵虛而遊於王殿上。空中而過。末利夫人在露處坐。見坐影已。即便仰觀。見次第行列。結跏趺坐。前有澡瓊乘虛而去。似如鴈。王見是事已。心大歡喜。即白王言。

看我家福田神德如是王見是已心大歡喜
作如是言善哉善哉我得善利願佛世尊及
比丘僧盡壽在國為良福田佛聞是事即便
制戒令不復尔出僧祇律第十
九卷十誦文同
末闡提降伏惡龍十

罽賓國稻始結秀龍王阿羅波樓注大洪雨
禾稻沒死時大德末闡提比丘等五人從波
陀利弗國飛騰虛空至雪山邊阿羅婆樓池
中即於水上行住坐卧龍王眷屬入白龍王
龍王瞋忿作諸神力暴風疾雨雷電霹靂山
巖崩倒樹木摧折身出烟火兩大礫石欲令
大德末闡提怖復喚兵眾猶不能伏末闡提

言汝令諸天一切世人悉來怖我一毛不動
汝若取須弥及諸小山躑置我上我亦不動
至漸以法味教化示之令其信伏龍王聞法
即受歸戒與其眷屬俱為弟子雪山鬼夜叉
捷捷婆鳩槃荼鬼聞皆信伏亦為弟子咸見
道迹末闡提語諸龍鬼從今以後莫生瞋恚
殘害人民損敗禾稻當生慈心令得安樂即
皆稽首稟承教戒以寶床與末闡提坐龍王
立侍以扇扇之罽賓捷陀勒叉國民見是事
已生大恭敬悉來聽法多得道果

出善見律毗
婆沙第二卷

摩晒陁化天愛帝須王十一

阿育王時佛已泥洹二百餘年時摩晒陁北

丘到師子洲中時王欲行獵有一樹神欲令
王得見摩哂陁樹神化作一鹿去王不遠示現
斲草而便徐行王見化鹿即張弓攝箭引弓
欲射王復念言我當諦射此鹿鹿仍迴向闍
婆陁羅路而走王即逐後到闍婆陁羅去摩
哂陁不遠而滅時摩哂陁見王已近而作是念
今以神力令王正見我一人不見餘人大德
摩哂陁即喚王名帝須汝來王聞喚已而便念
言此國中誰敢喚我名字此何等入著赤衣
服割截而成喚我名字生狐疑心此是何等
爲是人乎爲是鬼神耶摩哂陁答言沙門釋
種法子爲哀愍王從闍浮利地故來到此耳

尔時天愛帝須王與阿育王以有書信遙作
知識貢致珍寶更相報答法師乃曰我有三
寶以獻於王非彼天愛世間匹也即為王說
三歸依法王受三歸為優婆塞復以釋法報示
天愛帝須王於獵場中即復思憶阿育王書
有釋種子即投弓箭熟相問訊法師為說經
并受三歸即便遣摩哞陀喚沙弥修摩那今應
說法汝可唱轉法輪修摩那言我今應唱今
聲何至答言使聲滿師子國時修摩那即入
第四禪定從禪定起唱轉法輪師子國民俱
聞之虛空諸禪諸天悉會三唱已竟摩哞陀
便為說法天人無數皆得道迹

分那先爲下賤多知方宜遇佛得道十二

有那黎國近南海邊其中人民採真珠栴檀

以爲常業國有一家兄弟二人父母終亡欲

求分異家有一奴名分那年少聰了善能賈

販入海治生無事不知居家財物爲一分以

奴分那持作一分兄擲籌弟得分那將妻子

空手出舍時世飢儉難得分那恐不相活以

爲愁憂奴分那白大家言願莫愁憂分那作

計月日之口當令勝大家即言若審能介放

汝爲良人大家夫人有私珠物與分那作本

時海潮來城內人民至水邊取薪分那持珠

物至城外見一乞兒負薪薪中有牛頭栴檀

香可治重病一兩直千兩金時世有一不可
常得分那識之以金錢二枚買得持歸破作
數千段時有長者得重病當得此牛頭栴檀
二兩合藥求不能得分那持往即得二千兩
金如是賣盡所得不訾富兄十倍大家感念
分那不違言誓放為良人隨意所樂分那等十
行學道到舍衛國為佛作禮長跪白佛所出
微賤心樂道德唯願世尊垂慈濟度佛言善來
分那頭髮即墮法衣著身即成沙門佛為說
法尋得羅漢道坐自思惟今得六通存亡自
由皆主人之恩今當往度并化國人於時尊
者分那往到本國至主人家主人歡喜請坐

設食食訖澡手飛外虛空分身散體體出水火
光明洞照從上來下告主人曰此之神德皆
是主人放捨之福往到佛所所學如此主人
荅言神化微妙願見世尊受其教訓分那荅
言但當至心供設饌具佛三達智必自來矣
即便設供宿昔已辦向舍衛國瞿首長跪燒
香請佛唯願世尊廣度一切佛知其意即與
五百羅漢各以神足往到其舍國王人民莫
不驚肅來至佛所五體投地却坐王位食畢
澡訖佛爲主人及王官屬廣陳明法皆受五
戒爲佛弟子起住佛前歎分那曰在家精勤
出家得道神德高遠家國蒙度我當云何以

報其恩於是世尊讚歎分那而說偈言

心已休息 言行亦正 從正解脫 寂然歸滅

棄欲無著 缺三界鄣 妄意已絕 是謂上人

在聚若野 平地高岸 應德所過 莫不蒙祐

彼樂空閑 衆人不能 快哉無姪 無所欲求

主人及王益加歡喜供養七日得須陀洹道

出法句經
第一卷

摩訶迦葉天時熱現涼風細雨十三

佛住菴羅聚落菴羅林中與衆比丘俱時有

質多羅長者白上座言唯願諸尊於此林中

受我請食時諸上座默然諸上座著衣持鉢

至長者舍就座而坐長者自手供養種種飲

食澡嗽畢聽說法諸上座爲長者說法示教
利喜諸上座食酥酪蜜飽於春後日時熱行
極有一下座名摩訶迦葉白諸上座今日大
熱我欲起雲而扇微風上座答言能尔者往
時摩訶迦葉即入三昧如其正受應時雲起
細雨微下涼風疊疊從四方來至精舍門即
止神通還於自房時長者作是念最下座比
丘而能有此大神通力况復中上禮諸比丘
隨摩訶迦葉至所住房禮足白言尊者我欲
得見神足現化摩訶迦葉言長者勿用見是
三請不許長者猶復重請摩訶迦葉語長者
言汝且出外聚集乾草以氈覆上長者如教

聚薪成積來白尊者摩訶迦葉即入火光三
昧於戶鉤孔中出火炎光燒其積薪都盡唯
白氎不然語長者言汝今見不荅言已見實
為竒特摩訶迦葉語長者言當知此者皆以
不放逸為本不放逸故得阿耨多羅三藐三
菩提及餘道品法長者白尊者摩訶迦葉願
常住此林中我當盡壽四事供養摩訶迦葉
有行因緣不受其請長者聞說法已作禮而
去

出質多羅長者
諸比丘經

願足羅漢化一餓鬼說其往昔惡口十四
願足阿羅漢恒訓化餓鬼見一餓鬼形狀醜
陋見者毛豎莫不畏懼身出熾炎如大火聚

口出蛆虫膿血流溢臭氣遠徹不可親近或口吐炎火長數十丈或耳鼻眼身體肢節放諸火炎長數十丈脣口垂倒像如野猪身體縱廣一由旬手自爪摑舉聲嗥哭馳走東西是時滿足問餓鬼曰汝宿何罪今受此苦餓鬼報曰吾曩昔時行作沙門戀著房舍慳貪不捨身持威儀出言臭惡若見持戒精進比丘轉復罵辱偏眼惡視自賴豪族謂爲不死造諸無量不善之本寧以利刀自截其舌如是從劫至劫甘心受苦不以一日之中誹謗精進比丘若還閻浮利地者以我形狀可誠勅諸比丘善護口過勿妄出言設見梵行持戒比

丘者念宣其德自受餓鬼形以來經數千百
萬歲受此苦惱我後命終當入地獄是時餓
鬼說此語已舉聲嗥哭自投于地如泰山崩
天翻地覆斯由口過故使然矣能守護口過
者受福無窮又迦葉如來出現於世敷演說
法教化已周於無餘泥洹界而般泥洹泥洹
後時有三歲比丘名曰黃顏衆僧告勅一切
雜使不令卿涉但與諸後學者說諸妙法時
三歲比丘內心輕憊不免僧命便與後學敷
顯經義喚受義曰速前象頭次喚第二者復
曰馬頭復次駱駝頭次驢頭復曰馬頭復次猪
頭次喚羊頭羯羝頭次喚師子頭次喚虎頭

次喚禽頭次喚熊頭如是喚衆獸之類不可
稱數三歲黃顏口出如此無量惡言雖授經
義不免其罪身壞命終入地獄中經歷數千
万劫受苦無量餘罪未畢從地獄出生大海
中受水性形一身百頭形體極大異類見之
皆悉馳走口出護經

沙曷降惡龍十五

佛在舍衛國時須耶國有一貧人賃剃兒頭
須至麥孰轉顧一斛道逢故人欲共飲酒還
求麥直遍求不得便起恚意願我壽終作大
神龍當陷此國及其壽終遂作大龍其國歷
年風雨不時佛念飢饉遣沙曷比丘往化彼

龍龍見比丘即興惡意欲殺國人及沙曷身
沙曷化鉢覆蓋一國龍便降雨謂國已沒比
丘以佛威神令龍見民安隱如故龍復興志
更下大雪比丘鉢受以手授之著於一處乃入
龍室龍即便出比丘復出龍入比丘復入如
是不已龍極乃止長跪問言卿何等神惱我
如此比丘言吾是佛弟子龍言我欲自歸便
隨之去沙曷比丘便內此龍著於笥中人見
比丘取龍如是皆大歡喜問言道人是何等
神降伏國患告言吾是佛弟子人民問言佛
可見不答言可見須吾還時日向中道人過
分衛人或有與飯或與酒者比丘受之樹下

醉卧龍鉢袈裟各在一處佛時微笑五色光
出阿難請問佛以事荅復說四事一者阿羅
漢不入三昧不得知二者不得便見神足三者
不強勸人分衛四者身中尚有虫阿羅漢以
是四事不及佛時有一菩薩欲向聲聞見此
事已心即堅固佛遣目捷連往沙曷比丘所
勅攝龍來爲說宿命龍心即解便受五戒奉
行十善得須陀洹阿難問佛此事因緣佛告
阿難阿羅漢者不復飢渴用三事故見醉卧
耳一者佛欲開化菩薩意二者不欲逆布施
家意三者恐諸弟子未得道者飲酒多失故
現此事檢誡之耳沙曷比丘雖復飲酒不以

為醉出沙曷比功德經

經律異相卷第十六

丙

笈多上其反闡提上昌反摩晒下尸反剎賓上居反覆

壓上音副厲日音例轄消反胡婁曼上音樓

反真字噴磔覆上張也那叟下反摩醯下呼反

拳愧上正作却徵柯上丑知反湊音曆不訾

貫音早波吃下家反摧折上雷反礫石上音曆

下子斯及思也漈聚字澡漱下音瘦齋音尾蛆虫上七

徐扒擗上之巧反嗥哭上作號輕蔑下

結羯音佞羊也能獸也負尼律筭音寺

及結羯音佞羊也能獸也負尼律筭音寺

為醉出沙功德經比

經律異相卷第十六

笈多上其闡提上昌摩晒下尸罰賓上居覆丙

壓上音副厲日音例轄消反胡婁曼上音樓

反真字噴磔覆上張那叟下丁摩醯下呼

拳愧上正作修却徵柯上丑知反下音滲澀字二

貫音早波咤下家及竹摧折上自磔石上音曆不訾

下子斯及思也潔字聚澡漱下音瘦齋音尾蛆虫上七

徐扒擗上之巧及下嗥哭上作號正輕蔑下

及結音上羯羶音上捷羊也熊獸也任負尼禁笥音寺

